

Powšitkowne WOZJEWJENJA

njedźelu, 6. februara 2022

Wusyłanje Božej mšow

Serbskorěčnej Božej mši móža wěriwi tutu njedźelu, 6. februara, znowa jako livestream w interneće scěhować. Jedne kemše přenjesu so we 8.30 hodź. z Kulowskeje, dalše w 9 hodź. z Chróšćanskeje cyrkwy. Linkaj na njej stej w interneće pod www.posol.de a na wosadnymaj stronomaj podatej.

Modlenje w Róžeńće

Na modlenje swjateho różowca su wěriwi sobotu, 12. februara, we 18 hodź. do Róžeńčanskeje hnadowneje cyrkwy přeprošeni. Pačerje budu so serbsce a němsce spěwać.

Kemše na swjateju Cyrila a Metoda

Na Božu mšu na swjedženju japoštołow Słowjanow, swjateju Cyrila a Metoda, pónđze-
lu, 14. februara, su wšitcy čłonojo Towarstwa Cyrila a Metoda z.t. (TCM) a dalši zajimcy do Bačońskeje cyrkwy přeprošeni. Wone zahaja so w 19 hodź. Hłowna zhromadźizna TCM ma so po dotalnym planje pjatk, 13. meje, wotměć.

Bosćanowa wustajeńca w Kamjencu hišće přistupna

Wustajeńca wo česćowanju swjateho Bosćana w Chróšćanskej wosadze je hišće hač do kónc februara w Kamjenskim sakralnym muzeju cyrkwy swjateje Hany přistupna. Boži dom je wot pónđzele do pjatka stajnje wot 10 do 16 hodź. kaž tež sobotu a njedźelu wot 11 do 16 hodź. wotwrjeny.

Pytaja wosobu za džěćacu pastoralku

W dekanatnym dušepastyrstwe za džěći a młodzinu we Worklecach ma so k přichodnemu móžnemu terminje njewobmjezowane džělowe městno w pastoralce za džěći wobsadzić. Tydženski džělowy čas wučinja 20 hodźin. Wuměňjenja su mjez druhim nabožno- abo socialnopedagogiska kwalifikacija, zajim za žiwjenski swět džěći a swójbow, wobknježenje serbskeje rěče, zakładne znajomosće projektowego managementa, zwólniwosć, tež wječor abo sobotu a njedźelu džělać kaž tež přezjednosć z nadawkami, službu a žiwjenjom katolskeje cyrkwy. Pisomne požadanja přijimuje personalny wotrjad biskopskeho ordinariata, Käthe-Kollwitz-Ufer 84, 01309 Drježdźany, hač do njedzele, 27. februara. Podložki móža so tež digitalnje zapodać, a to z mailku na bewerbung@bddmei.de. Link na nadrobne wupisanje džěloweho městna nańdu zajimcy pod www.posol.de.

Premjera serbskeje činohry „Šercec Hanka“

Swoju prapremjeru dožiwi činohra „Šercec Hanka“, sobotu, 12. februara, w 19.30 hodź., na hłownym jewišću Němsko-Serbskeho ludoweho dźiwadła w Budyšinje. W kruchu rekonstruuja so žiwjenske slědy katolskeje Serbowki židowskeho pochada. Před kóž-

dym předstajenjom poskići so zawod do hry a w běhu inscenacijow simultane přeložowanje do němčiny. Dalše předstajenja su planowane sobotu, 26. februara kaž tež 5. měrca, stajnje w 19.30 hodź., njedźelu, 27. měrca, w 15.00 hodź. (na tym dnju z dźiwadłowej pěstowarnju) a njedźelu, 3. apryla, w 17.00 hodź. kaž tež srjedu, 13. apryla, w 10.00 hodź. Kartki móža zajimcy při dźiwadłowej kasy, docpějomnej pod telefonowym čisłom (0 35 91) 58 42 25 abo přez Gabrielu Korchowu, telefonowe čisło (0 35 91) 58 42 75 abo z mejlku na dispo.sorbisch@theater-bautzen.de knihować. Němsko-Serbske ludowe dźiwadlo zdobom na to skedźbnja, zo płaći w hrajniščach regula 2G+. Stajnje aktualne informacije k tomu namakaja zajimcy na internetowej stronje dźiwadła pod www.theater-bautzen.de.

Akciji za pory a swójby w póstnym času

Džěłowa skupina za katolske swójbne kubłanje (AKF) přeprošuje pory a swójby k wšelakim akcijam w póstnym času. Pod hesłom „7 tydzenjow lóšo“ dawa AKF nastorki, sej čas mjez popjelnej srjedu a jutrami wědomje wuhotować, kaž to Němska biskopska konferenca pónđzela, 31. januara, w Bonnje zdžěli. Za wobě cilowej skupinje maja tydženske póstne listy z nastorkami a impulsami spřihotowane. Nimo toho steja přewodne teksty a předłohi za Bože služby k dispoziciji. „Runje w času koronoweje pandemije skići póstny čas dobre šansy, po wěrje zhromadnje žiwi być a ju reflektować“, rozłóži předsyda komisije za mandželstwo a swójbu biskopskeje konferency, Berlinski arcybiskop Heiner Koch. Kaž AKF zdžěli, su pory kaž tež swójby z džěćimi zakładnošulskeje staroby z listami k rozdžělnym tydženskim temam přeprošene, zo bychu sej swoje swójbne žiwjenje a partnerstwo z druheje perspektiwu wobhladali a zaznawali. Zajimcy měli poskitk abonować, kotryž je darmotny. Linkaj k přizjewjenju za pory respektiwne swójby stej pod www.posol.de wozjewjenej.

Chorych a mrějacych přewodźeć nawuknyć

Ambulantna hospicna služba Hornjołužiskeho zwjazka Carity z.t. w Kamjencu poskićuje lětsa zaso kurs k čestnohamtskemu přewodženju chorych a mrějacych. K tomu trěbna wěda so w zakładnym kursu posrědkuje, kotryž wotměje so wot 16. měrca hač do 13. apryla pjeć króc srjedu wot 17 do 21 hodź. a dwójce sobotu wot 9 do 15 hodź. Na to scěhuje dohromady 40hodžinski praktikum z dalšimi štyrjomi zetkanjemi. Pohłubšacy kurs je w septembur planowany. Štóž chcył wukubłanje absolwować, móže so pola hospicneje služby Carity w Kamjencu pod telefonowym čisłom (0 35 78) 37 43 12 za kurs přizjewić.

Jězba w lěću za šulerjow 5. do 8. lětnika

Dekanatne dušepastyrstwo džěći přeprošuje šulerjow 5. do 8. lětnika w lětnich pródniach na jězbu do Lückendorfa w Žitawskich horach. Wona wotměje so wot pónđzele do pjatka, 15. do 19. awgusta. Přizjewjenja přijimaja hač do soboty, 30. apryla, online. Link je pod www.posol.de podaty.